

列王降生言行紀畧
者能復以世財爲主而事之乎。發利塞俄貪吝人也。聞而笑之。耶穌謂曰。汝輩務飾莊於人間。然天主盡知汝心矣。大抵世俗所謂高。天主則深惡以爲卑耳。夫古經及先聖所傳。至若翰已矣。此後則天國之好音。必徧傳于天下。爲人律度焉。蓋天地尚有可變。經中之語。毫芒不可易也。

論夫婦

第十八

發利塞俄諸人。就耶穌而難曰。人之妻。無大故。亦可棄乎。耶穌曰。汝輩豈不觀經云。造物主之初生

人也。始造一男一女。而論之。可遠父母。近于匹配。以夫婦身雖二。實合爲一體也。故造物主之所締結。人不得而解之。曰。旣如是。奚爲梅瑟所傳之道。許作離券。以棄妻耶。耶穌曰。梅瑟權容汝輩棄妻者。爲爾梗心故也。若在厥初。必不其然。我實告爾。人有妻。縱犯奸。可棄也。不可再娶也。再娶必爲姦人矣。有娶之者。亦必爲姦人矣。問難畢。所從弟子。退而問曰。婚姻之事如斯。其爲婚姻也。亦難矣。耶穌曰。此義豈人人能知者乎。惟天主與之知。而始

知焉。蓋有生而闕者，有爲人所闕者，有爲天國而自闕者，能悟者知之。所闕者，指童貞也。蓋吾主以婚娶之難，欲勸人守貞也。猶云：設使生而闕，或爲人所闕，終身必守貞。然既不出本願，絕慾無功，毋寧立志守貞。功德不更大乎。但大主不以此爲嚴命，待人自願立功。故曰：能悟者知之。

論貧善富惡死後殊報 第十九

耶穌諭衆曰：昔有富人，日衣華服，豐筵長飲，爲樂也。乞人辣雜球，徧體瘡痍，行乞其門，思饜餘瀝，莫與也。因仆地，犬舐其瘻，爲後辣雜球死。天神接取其神魂，置亞罷郎之懷。卽靈薄處也。蓋古聖死後，暫安住領神所，待耶穌救世後。

同升天也。懷云者安樂，最適於古聖之意也。

富人亦死，墮地獄，永殃苦

不堪。昂首遠見辣雜球于亞罷郎之懷，乃向亞罷郎而號曰：罷德肋。譯言及也。尊稱之意。亞罷郎憫憐我，乞遣

辣雜球，以指點滴水於我舌，解熯中須臾之焦。亞罷郎曰：吾子，盍憶在世之樂。辣雜球之苦乎。則今宜彼受慰，而汝受苦也。况我與汝相隔寥絕，卽我欲近汝，汝欲近我，皆不能矣。富人哀懇曰：幸爲我遣辣雜球，傳示吾家，以我與彼爲証。我有昆弟五，令勿如我墮此極苦所也。亞罷郎應曰：汝之弟兄